

明史紀事本末
七



明史紀事本末

七

谷應泰 編

中華書局

明史紀事本末

卷四十五

平河北盜

武宗正德四年秋九月。畿南盜起。時劉瑾用事。專恣驕橫。京師之南固安、永清、霸州、文安地方。京衛屯軍雜居其地。人性驕悍。好騎射。往往邀路劫掠。號響馬盜。至是聚黨益熾。瑾欲速除之。分遣御史甯杲於真定。殷毅於天津。薛鳳鳴於淮陽。專事捕盜。舊例御史出不得以家屬隨。至是杲等許攜家往。以滅賊爲期。鳳鳴在歸德。與守備指揮石璽會飲。令人歌舞爲樂。邏卒奏之。傳旨降鳳鳴爲徐州弓手。毅在天津稍收斂。惟杲奏立什五連坐法。盜賊捕獲無虛日。每械盜賊入真定。用鼓吹前導。金鼓之聲彌日不絕。瑾以捕盜功擢杲毅僉都御史。仍專督捕盜。

五年冬十月。霸州降盜劉六、劉七叛。初霸州文安縣大盜張茂家有重樓複壁。多爲深窖。同時劉六、劉七、齊彥名、李隆、楊虎、朱千戶等皆附之。諸大璫多文安人。茂通路納交。太監張忠者號北墳張。與茂居鄰。結爲兄弟。因得徧路馬永成、谷大用輩。常因內官家人出入禁中。進豹房。觀上蹴鞠。益無忌憚。河間參將袁彪數敗賊。茂竊乃求救於忠。忠置酒私第。招彪與茂東西坐。舉酒屬彪。彪字茂曰。此彥實吾弟耳。今後好相看。無相掇也。又舉屬茂曰。袁將軍與爾好。今後無擾河間。彪畏忠不敢誰何。諸將聞風縮朒。及甯杲至。有巡捕李圭簿承杲意。僞作彈琵琶優人入茂家。具知曲折。杲率驍勇數十人乘不備掩擒之。斧折茂股。載

歸。餘賊相率至京。謀道罪。忠與永成爲請於上。且曰。必獻銀二萬。乃赦之。劉瑾家人梁洪亦索萬金。六七楊虎計無所出。潛劫近境。冀以足所獻。會虎焚官署。六七知事敗。散去。六七膽大。弓矢絕倫。諸盜皆畏之。涿州州官知其能。召至協捕。有功。御史蔣瑤亦用而賞之。或勸瑤并絕禍本。二人竟颺去。果仍圖形捕之。逮繫。妻孥盡破其家。六等窮蹙憤悲。乃相聚抗官府。劫行旅。既劉瑾伏誅。果亦被劾。麾下健兒多歸之。詔下討賊。仍許自首免罪。六等遣其姊出首。自領三十四人詣州。知州郭坤以聞。貴之。令捕他盜自效。至是復叛去。往附畿內盜白英。時英已流劫至山東。

六年春正月。霸州巨盜劉六。劉七聚衆攻安肅縣。劫取繫獄盜黨齊彥名。時窮民響應。旬日間。衆至數千。劫掠畿南州縣。霸州文安生員趙風子者。名鏐。有勇力。好任俠。每大言自負。先是。劉六等攻掠文安。鏐率妻子避賊立水中。賊劫其妻。將汙之。鏐怒。奮往殺傷二賊。爲劉六。劉七所擒。說使降。許納歸家。與弟鏐鑄聚五百人。會於河間。由是賊黨益繁。自畿南達山東。條忽來去。勢如風雨。乃命指揮同知李瑾統京營千人往討。瑾至德州。奏言。白英約四百人。分爲二。一劫諸城。高密。安邱。沂水。一自穆陵關南。陷魚臺。直趨金鄉。賊所得皆民間馬。一晝夜數百里。馳而官軍馬少。無以追敵。請於山東。直隸取給備戰。從之。命瑾充參將捕盜。三月。賊入博野。饒陽。南宮。無極。東明等縣。深。寬。定。祁。開等州境。大肆殺掠。攻濱州。臨朐。臨淄。昌樂。日照。蒲臺。武城。陽信。曲阜及泰安州。皆破之。時賊衆強。多出不意。突犯所在。單弱。勢不能支。李瑾東西奔命。吏部尚書楊一清建言。推用大將。及文臣有才望者。提督軍務。從之。命惠安伯張偉充總兵官。召馬中錫爲右都御史。提督軍務。統京營兵。征流賊。夏五月。兵部尚書何鑑奏。禦盜事宜。時承平日久。民不

知兵。郡縣望風奔潰。甚至開門迎款。以故南北不通。人情洶洶。鑑建議選將練兵。嚴號令。公賞罰。募義勇。起用舊將白玉等數人。奏行山東直隸等處修濬城隍。選補軍餘。錄用民間武勇。不許遣以資賊。鄉村鎮店結伍立寨。互相應援。河南山西等處設兵黃河。斷太行以防奔突。京操官軍俱留本處分守郡縣。又於漕運十二把總部下。每船選精卒一人。沿河駐劄。以防運道商旅。詔悉從所議。鑑復奏遣都督黃琮張俊統兵分布霸州等處。六月。流盜趙繼劉三邢老虎楊虎分掠河南劉六劉七齊彥名分掠山東。鑑等由河南山西自西而東。踰曲周威縣直抵文安。復往河間泊頭慶雲。由山東陽信海豐向西南上江爲絕地。六七等踰山東河南出湖廣江西。仍由故道入長清齊河等縣。直抵霸州。復走山東向東南下江爲絕地。所至縱橫如蹈無人之境。大抵賊俱起畿內。恃馬力倏忽馳驟。棲野不佔城郭。蹈虛不立方所。每戰驅脅從者居前。呼號衝突。官軍見形卽縮。賊相與笑樂。恣所殺掠。稍遇勁兵。前者俱陷。目以精騎。覘勢爲進退。莫可揣揣。官軍雖屢有小捷。然失亡多。黠者又受賂賂。多縱舍賊。指揮桑玉嘗與劉六劉七遇文安村中。六七匿民家樓上。欲自剄。玉故緩之。有頃。齊彥名持大刀脅官軍敗。鈕者數十人至樓下。彥名曰。呼諸敗軍皆呼。彥名曰。救至矣。無恐也。六七遂彎弓注矢以出。射殪數人去。各地方官互相推委。時馬中錫張偉所領京營人馬。多不簡閱。中錫書生。欲效魏遂化渤海事。招撫解散。張偉執袴子。怯不能戰。中錫遍檄諸路。榜示劉六等經過所在。官司不許捕獲。與俱飲食。若聽撫。待以不死。劉六等聞之。所至不殺掠。然且信且疑。中錫至德州桑兒園駐兵。單車從數卒直抵賊壘。開其自新。劉六等來謁。中錫開誠撫之。劉六欲降。劉七曰。今內臣主國事。馬都堂能自踐其言乎。潛使人至京伺諸中貴。無招降意。又以山東所劫金銀。

載至京。饋權倖求赦不得。遂益肆劫掠。衆至數萬。中錫故城縣人。賊至故城。戒令勿焚劫。馬都堂家。由是謗騰。謂中錫玩寇殃民。兵部尚書何鑑劾中錫。偉擁兵自衛。縱賊不戰。逮下錦衣衛獄。論死。中錫竟死獄中。偉革爵閒住。八月丁巳。劉六、劉七、齊彥名、楊虎等合兵以二千騎破棗強縣。屠戮甚慘。知縣段豸死之。命伏羌伯毛銳充總兵官。太監谷大用總督軍務。兵部侍郎陸完提督軍務。大發兵討流賊。馬中錫等既無功。中官因以討賊非書生所能辦。遂以大用等帥兵討賊。何鑑奏令陸完率領主事田蘭等招募民兵。地方大擾。又奏調宣府副總兵許泰、游擊邵永、大同總兵張俊、游擊江彬、延綏副總兵馮禎入征內地。俱聽谷大用、陸完節制。逮巡撫山東都御史邊憲、真定都御史蕭翀、憲等撫馭無方。遇賊失機。兵部奏逮下獄。除名爲民。且著爲令。凡州縣官失守者。比守邊將士例。劉七等困滄州不克進。抵霸州。信安京師戒嚴。時兵部侍郎陸完提督軍務。師已出涿州。賊在固安。甚急。上召大學士李東陽、楊廷和、梁儲、兵部尚書何鑑諭曰。賊在東。師乃西出。恐緩不及事。卿等何以處之。鑑對曰。邊兵已至涿州。賊來送死。但恐望風遁去耳。上喜。初。副總兵許泰奉調。率部下入居庸關。駐涿州。馮禎入紫荆關。駐保定。上乃諭鑑即追還陸完。東出。往信安。鑑承旨畢。退至部中。已秉燭矣。遣人留都門鎖鑰。輿牌馳諭。戒以失誤者斬。時陸完方欲整兵南行。而輿牌適至。遂直趨固安。許泰、邵永出霸州平口。賊易之。泰等逆擊。殺數百人。賊始懼。南奔天津。指揮賀勇遏之。信安灣。賊復敗。泰等追擊於東光半壁店。擒斬二百七十人。永再破之。景州鑑橋。馮禎敗賊於東明裴子巖。斬賊帥僞千戶。邵永復破賊棗強縣。合兵又破之。參老集及薛家屯。擒斬千餘人。皆楊虎、趙鐮黨也。諸將進擊虎。鏖於景州朱門村。一日數戰。殺賊千餘人。賊奔遁小灘河北。保定都司

田彬率指揮趙文等扼之。敗績。文被獲。尋走還。副總兵李瑾擊趙鑑於山東蒙山。亦敗。賊得我神器盔甲及蟒衣、虎鏐衣、蟒衣、沿途炫耀。過泰安縣。題詩有縱橫六合誰敢捕之句。沂州楊頭管四馬武、張通等皆歸賊。賊勢益熾。冬十月。劉六等攻濟甯不克。初。賊自滄州解圍南走。被日照海豐、壽張、陽穀、邱甯、陽曲、阜、沂水、泗水、費、十城。至是。攻濟甯。焚運船千二百艘。執工部主事王龍。釋之。給事中寶明言弭盜安民。擇將事下獄。太監張永選團營驍卒聽征。擢山東樂陵知縣許達爲山東按察司僉事。備兵武定州。達河南固始人。令樂陵期月。令行禁止。時流賊橫行河北。達修城濬隄。踰月而成。又使民家各築牆高踰屋簷。仍開牆竇如圭。僅可容一人。家令一壯丁執刀俟於竇內。其餘人皆入隊伍。令守號令。視旗鼓進退。達者無赦。又設伏巷中。洞開城門。未幾。賊果至。旗舉伏發。賊火無所施。兵無所加。盡擒斬之。自是賊不敢近樂陵。撫按交薦其才。擢是職。十一月。趙鑑等至宿遷。初。鑑等攻破靈山衛。及日照諸縣。南攻徐州不下。至是。至宿遷。淮安知府劉祥率兵逆賊。不戰自潰。溺水死者無算。祥被執。縱還。遂渡河。殺高郵等衛官軍三百餘人。執指揮陳鵬。攻靈壁。知縣陳伯安戰敗被執。攻宿州不克。焚其西關。欲降伯安。不屈。劉三欲殺之。鑑止之。得釋。又破虹縣。永城、夏邑、虞城等縣。執虞城知縣。尋亦釋之。又破歸德府。守備萬都司率衆追至亳州。武平衛指揮石堅率兵千人。僧兵三百人。邀戰。皆敗。殺僧兵七十餘人。至白龍王廟。渡小黃河。武平衛百戶夏時掘之。河楊虎率壯士黃甯九騎渡河。時兵不知其爲虎也。擊之。虎奮舟欲濟。官軍以土石擊覆其舟。虎溺水死。鏐等推劉三爲主。總兵白玉擊劉三於泰和縣。小南門敗績。殺官軍一千五百餘人。死亡盔甲槍刀二千。神器七十餘。攻破霍邱。殺萬人。執都指揮潘翀。釋之。殺都指揮三保。射殺河南布政

司經歷任傑軍民死者千餘人。至鹿邑。鹿邑潰。執守城千戶。有陳翰者。自稱兵部主事。乞爲劉三子。至新蔡。致仕知府張釋率衆遣劉三金帛萬計。不攻去。當是時。河淮南北官吏望風遁。諸將利劫掠。戰不力。賊勢日盛。劉三妄欲舉大事。與陳翰甯龍謀。兵無主必亂。其推劉三爲奉天征討大元帥。趙鑑史名懷忠。稱副元帥。小張永前軍。管四後軍。劉資左軍。馬武右軍。邢老虎中軍。並稱都督。陳翰爲侍謀軍。國元帥長史。分二十八營。應二十八宿。各樹大旗爲號。置金旗二。大書虎賁三千。直抵幽燕之地。龍飛九五。重開溷沌之天。又造鈞牌。令所至官吏修道。路橋梁。備芻糧酒肉供軍。降者秋毫無犯。拒者寸草不遺。劉六等攻徐州。掠淮西。劉七等覘知谷大用。毛銳等駐軍臨清。復擁衆走霸州。賊以十二月朔。車駕出郊宮省。性圖犯御蹕。時兵部尚書何鑑未寢。左右無一吏卒。乃自具帖子。令廁卒遞入長安門。逐門遞入。司禮監轉奉上知。復傳示各衙門。嚴加防守。又縋城費報通州良鄉涿州各守備官。整備兵馬。兼以常制。駕出南郊。分調軍馬於南海子。蘆溝橋。羊房角三處下營。以防衝突。處分甫定。漏下五鼓矣。有頃。上命司禮監太監召鑑至左順門。問今日駕可出否。對曰。駕當早出。以安人心。車駕遂出。迄暮方回。賊知有備。不敢犯。十二月。劉六等西奔。掠新城。雄縣。定興。安肅。易州。涞水。而南。破高陽。蠡縣。博野。容城。深澤。東鹿。覘知邢州有備。乃遷道。竟攻臨城。高邑。成安。饒陽。由真定掠趙州。安平。直抵晉州。藁城。柏鄉。內邱。南河。衡水等處。鑑計賊非東向臨清。必南奔彰德。移文促陸完督軍分道追襲。至彰德。賊方圍湯陰。聞官軍至。望風遁去。許泰。馮禎。郤永。金輔。李瑾。張俊。成劍。追賊敗之。渡河。溺死者無算。劉七等復糾衆萬餘圍李瑾。馮禎營。許泰與禎瑾內外夾攻。敗之。賊遁去。劉六。劉七。齊彥名。劉三。趙鑑。邢老虎等復分掠山東。河南。賊欲牽制官軍。故分

寇其勢益熾。劉三等攻陷上蔡縣。知縣霍瑄死之。前鋒臨商水。知縣率吏民降。進攻西平。知縣王佐拒敵被執。罵不絕口。賊支解之。乘勝攻破舞陽。劫獄。獄有僧德靜。僞稱唐府宮人子。賊黨賈勉兒留之。至葉縣。執知縣唐天恩。并其父殺之。攻襄城。襄城人餽銀馬。不攻。攻破寶縣。僉事孫盤費黃榜撫城。趙鏐復書曰。羣奸在朝。濁亂海內。誅殺諫臣。屏斥元老。乞皇上獨斷梟雄之首。以謝天下。斬臣之首。以謝羣奸。有掠縣令妻子者。鏐殺之。破裕州。殺都指揮詹濟。同知郝采。屠其城。命遼東巡撫都御史彭澤提督軍務。以咸甯伯仇斌爲平賊將軍。充總兵官。帥延綏榆林諸路軍馬討河南賊。澤至大陳軍容。擐甲引見諸大校。責以退縮。嚴軍政。論行法。建纛諸大校無不惕息。頓首請自効。良久釋之。遂鼓行前。時河南親藩告急。何鑑建議復於宣府大同遼東延綏諸將部下續調未發官軍分道赴之。復以諸賊分責諸將。計日勦滅。七年春正月。劉六等復攻霸州。何鑑續調宣府邊兵在涿州者遇之。賊遁去。先是陸完開賊北奔。恐犯京師。卽調許泰邵永追至德州。泰永方恐後期獲罪。而賊東遁之報忽至。泰永驚喜久之。乃知退賊宣府續調兵也。嘗語人曰。何公此舉。旣解霸州之危。復舒吾輩之罪。旣而遼東續調軍亦至。邵永率邊軍追賊至山東。大敗賊李隆於穆陵關。隆奔劉七營。劉七惡其反覆。斬之。并其衆。復歸河南。陸完分調諸將許泰等大敗賊衆於汴北。時撫治鄖陽李士實亦發兵夾攻。賊奔商水。倉皇阻河。不能渡。官軍併力蹙之。方可殄滅。而紀功御史雷宗力勸諸將朝崇府。盤薄久之。賊因得渡。商水何鑑劾宗阻誤兵機。逮下獄。伏羌伯毛銳至眞定。敗績。銳衰老怯懦。所領京軍萬餘皆怯。不諳戰。谷大用擁衆觀望不敢前。銳帥師至眞定。遇劉七等與戰。大敗。適許泰援至。銳僅以身免。失亡所佩將軍印。徵回京師。以與大用同事。不問罷歸第。

二月趙鏐等攻唐縣。先後二十八日不破。邢老虎病死。鏐併其衆。號十三萬騎五千。轉掠襄陽、樊城、棗陽、隨州、新野、破泌陽。前大學士焦芳僅以身免。盡發其先世家墓。無遺骸。取芳衣冠被庭樹。歷數其惡。命劍士斬之曰。吾手誅此賊以謝天下。進攻均州。不克。賊黨聲言欲屠城。趙鏐以馬文升家在園中。引衆去之。總制彭澤、成甯伯仇鉞督各邊將帥。敗鏐於西河縣。殺賊二千餘人。奪回馬贏器械無算。鏐奔鄆陵。焚掠而過。至新鄭。鄭州攻城不能入。遂至滎陽。汜水攻偃師。陸完、完石副都御史先是。楊一清議擒斬賊三名者。陞一級。時劉六、劉七、齊彥名雖擁衆數萬。然多劫掠脅從之徒。其親信驍勇善騎射者不及千人。官軍每追及。賊首驅脅從良民對敵。并棄所掠財帛奔逸而去。官軍競取財帛。斬獲脅從首級。屢執捷音。陸完、谷大用降敕獎勵十餘次。前後報功萬計。而正賊卒無獲者。甚至賊已去。而官軍遇平民亦殺之。以報功。大同游擊江彬過冀州。入民家殺二十三人。有司中狀大用。完皆不問。大用復奏帶權勢子弟僕從坐功冒級。日費餼廩。自出師以來。芻糧犒賞。費太倉銀二百萬餘。府庫爲之虛耗。三月劉三、趙鏐等至河南。府參將金輔懼不敢渡河。總兵馮禎率榆林兵方列陣。而姚信所部京軍馳越禎前。失利先遁。賊麀衆突至。禎下馬力戰死。賊亦殺傷多。乘夜奔汝州。復犯汝甯府。殺湖廣土軍數十人。入潁州。朱臬鎮官軍追敗之。前後斬賊及渡河淹死人馬五千有餘。沿途逃散者甚衆。鏐等由光山、六安州攻破舒城。劫掠人馬。夏四月。桐柏知縣李聚率鄉兵敗趙鏐於縣外。生擒潘僧等八名。泌陽縣劉機率鄉兵擒獲逆盜劉喜等。總制彭澤督官軍敗趙鏐於六安州。殺獲四百餘人。追至定遠。連敗之。湖廣僉事郭詔敗劉三、趙鏐等於應山。縣二郎敗廣水店。追逐懸崖溺水者千餘人。彭澤同巡撫劉丙督各路軍馬追殺鏐等於應山。并

子鋪、隨州、蓬嶺山等處。劉三、劉資等潛匿山谷去。李鉉率邊軍敗劉六等於臨朐，沂水殄之。劉六、劉七等東入登萊，掠膠州、平度、萊陽，破文登，招遠，攻圍甯海。陸完復分調許泰、邵永合兵追勦，賊潰分兩隊。一隊由高密西奔，李鉉追至沂水，勦殺無遺。劉六、劉七、齊彥名等復北走霸州，犯香河、寶坻、玉田諸縣，敗官軍。殺參政王杲於武衛八里莊。兵部奏調參將成劍等統領京軍。陸完、甯杲亦分調諸將會兵截殺。賊過馬東園，殺戮甯杲子弟兵甚衆，乃越霸州，竟往雄縣，迤南直抵山東。賊雖屢衄，然隨在脅聚，募而復衆。先是正月，劉六等自文安而下，二月至宿遷，屯小河口，劫船欲渡，指揮周正禦之，不得前，退往桃源，屯於城子河。率衆萬餘掠邳州之沭口集，遂由贛榆過鄭城，既擁衆復寇邳州，賊皆白衣，瀾漫郊野。知州周尙化悉力拒走之。三月，賊過呂梁，沿途焚掠無遺。總兵劉暉破賊於滕之呂孟社，尋敗賊於邳之郭家莊，殺獲千餘人。賊且戰且走，至魚頭集，復破之。四月，賊奔登州海套，陸完率大軍與劉六、劉七、齊彥名等遇於嵩淺坡，古縣集等處。時宣大鐵騎及中土材官良家子悉集，將十萬人合圍。諸軍奮勇鏖戰，斬首二千三百，殺傷三千有奇，俘獲百餘，諸酋渠殄盡。六、七彥名獨挾驍騎三百餘潰圍而走，問道馳至河西務，其勢無前。諸軍悉出，莫能禦。賊將北出塞，外尼關險不得通，乃復越臨清而南下邳之新安，進邳馬家淺、雙溝，頻欲渡不得，復由靈璧西南而去。閏五月，劉三自河南入羅田，轉掠黃陂，都指揮陳表擊敗之。還據羅田，仇鉞擊賊於光山，神周、姚信爲左。時源金輔爲右，大敗之，斬首三百九十人，盜奔六安。諸將進至七里岡，賊分爲三。神周追趙風子，姚信追賈魁兒，二賊登復合其黨張通等率衆數千降，鏖屢與官軍戰不利。陳翰見勢敗，亦向總兵仇鉞降。時源、金輔追劉三由黃陂，光羅至桐柏南，召從騎十七人，夜亡其半，至土地。

坡指導王瑾射劉三。中其左目。三縱火自焚。瑾滅火斬其首。都指揮朱忠等復追擊賈勉兒於扶溝。賊奔沙河。溺死者甚衆。追至永城。勉兒變姓名匿項城之下村。老人王斌獲之。餘衆悉潰。趙風子走德安。知事不成。行至應山縣東化山坡下。遇僧真安。因削髮鬚髮。藏度牒。令賊黨邢本道等各散。遂同真安欲渡江。從江西城。再圖大舉。湖廣巡撫劉丙督官軍擒邢本道等三十餘人於隨州。天王險寨等處斬賊百餘級。獲馬贏器械千數。本道被獲。始知鏹削髮遁去。分命各道物色之。武昌衛軍人趙成、趙宗等行至黃陂縣九十三里坡。遇鏹過。見鏹狀貌異常。思與頒示台心疑之。追至武昌江夏縣管家套。鏹入軍人唐虎店飯。成等進擒之。搜獲真安度牒。檻車入京伏誅。劉七、楊寡婦以千騎犯利津。僉事許達追至高苑。敗之。錢鰲以百騎劫德平。達復引兵追至楊二莊。盡殲之。劉六、劉七圍邳州。督漕都御史張縉擊敗之。東海千戶張瀛率銳卒開柵迎敵。賊三騎馳突而前。皆渠帥也。中矢斃。其黨悉遁。六等遂從棗林渡邳。騎能屬者纔三百人。奔河南光山。確山入湖廣。棄馬登舟。沿江掠聚。復聚黨至七百人。駐兵武昌陽邏團風鎮。湖廣巡撫都御史馬炳然攜家赴官。賊遇之於爛泥鋪。脅與俱至南京。炳怒罵之。遂遇害。掠其家人。內旨立監槍名。太監陸闇以陸完討賊久不滅。謀出統軍。禮部尚書傅珪曰。今兵老民疲。直以多冒功者失將士心。禍旦夕及宗社。諸公尙唯唯乎。力爭之。明日。竟遣闇監槍出征。傅旨令珪致仕。劉六爲湖廣官軍所追。風折帆檣。壓死於水。其子劉仲淮數人亦死。劉七、齊彥名等糾合水寇。自黃州下九江。剽湖口、彭澤等一帶郡邑。經安慶、太平。儀真所過殘滅。六月。陸完帥諸將邊兵馳至揚州。斬退避指揮程鵬。劉七、胤文宣等舟過蕪湖。操江官軍不敢逼。直抵瓜州。燒燬戰船。搶奪軍器。鎮江官軍禦之。敗績。殺掠過壩。泊於通州。

之狼山。常熟之福山港。遂凌駕江面。縱橫上下。通泰如皋。濱江之區。咸被創殘。秋七月。劉七等復自通州。泝流上犯九江。劉七、彥名等在江不安舟居。日上通州遊掠。欲自通泰登岸。趨淮安。復還山東。爲揚州官軍所拒。與其黨韓三等謀。復自海門而上。泝流過采石。泊蕪湖之月子湖。賊凡三過南京。往來如入無人之境。賊在海門東七里港。謀入海。由張網海口深入裏河。不果。又泊隸上。斷腰地方。遂自湖口縣乘風而西。寇南康。迺還蕪。黃登、光州固始還。泛九江。安慶至石灰河。江口。遂往銅陵。時陸完自臨清馳至江上。都御史張縉、王鏡、董蘭、俞諫及副總兵時源等分兵守要害。賊復沿江東下。越瓜州。蹂周家橋。歷孟瀆下港。掠常州。殺常州守李嵩。遂犯江陰。殺縣丞余凌雲。仍泊狼山下。賊有舟三十餘。衆六七百人。陸完至鎮江。留總兵仇鉞駐溫恭騎兵駐江北。劉暉、邵永以舟師趨江陰。八月。劉七等既泊狼山。其黨以失地利相尤。多潰去。丁丑。賊率衆二百餘攻通州。我軍擊之。賊退入船。是夕。颶風大作。賊船皆解散飄墮。其衆顛踣。不支。嘔泄臭穢。自相擊撞。蘇人有應募獻計用火攻。其名水老鴉。藏藥及火於礮矢中。發之。又爲形如鳥喙。持之入水。以喙鑽船。機發。自爲運轉。轉透船沈。試賊一舟。沈之。賊益駭。勢迫。乃登山圍聚。或下崖散逸。輒爲通州兵所登。通州最與賊密邇。而守吏亦特嚴整。壬辰夜三鼓。副總兵劉暉帥遼東兵千總任璽帥大同兵游擊邵永帥宣府兵並進。癸巳。與賊戰。我軍聲饒震天。風火交熾。賊披靡躡山巔古垣。憑高控險。槍矢瓦石雨下。鏖戰。賊初不識山路。火勢既熾。偕行居人逸出。賊從之上山得路。而我軍方奮勇直前。日加晡。劉暉率部將張春、蕭澤、高雲、李春、美、饒微等誓死決戰。分軍爲三。劉暉在山北。邵永在山南。皆戴盾跪行而上。手施槍礮。且上且攻。盾上矢集如蝟。不退。遂奪其垣。賊墜崖死者無算。其餘先具舡。懸山下。以備。

逃竄。至是，覓嬰谷下山爭船不得入。劉暉立崖下，百矢齊發。劉七勢迫，遂赴水死。彥名爲宣府遊兵十旗，張鑑斬首。劉暉擒獲餘賊及龐文宣等解京伏誅。賊逸而北者，高雲追斬之，皆盡。九月，論平流賊功，封谷大川弟谷大寬爲高平伯，陸闇弟陸永爲鎮平伯，咸甯伯仇鉞進封咸甯侯。玆賜誥勞世襲都御史陸完、彭澤、加太子少保，完召回掌院事。廢一子錦衣衛百戶。內閣李東陽、楊廷和、梁儲、費宏各廢一子錦衣衛正千戶。

谷應泰曰：劉六、劉七、齊彥名等初發難於蔚州。趙鐙、邢老虎、劉三等附之，而盜愈劇。至鐙等入河南，七等入山東，是羣盜分寇之始也。旣而并兵薄都城，至尊倉皇召對，左順中旨夜出，指授方略，社稷無人，幾於發蒙振落矣。乃獨頑纔破鐙於景州，而田彬沒，全師於山左。許泰甫奏捷於裴巖，而劉七屠名城於翼右。徒敗車奔，旗靡轍亂，以此易彼，得不償失。游魂漸大，禍延淮北。賊騎有京觀之築，池隍無卽墨之堅，指斥乘輿，妄陳天命，而羣盜再薄都城矣。夫金湯天險，百靈呵護，玄麼小寇，敢爾蹂躪，則以七等固嘗潛入宮門，縱觀禁掖，窺龍顏於豹房，分天香於御苑，彼項籍偶觀會稽，石勒倚嘯東門，亦未有睥睨彤闕，鼯寢臥榻如茲盜者也。於是宮門晨扃，南郊幾阻，徵調繁興，六師雲集。然後七等再入齊，鐙等再入豫。自此以後，盜不復合。劉三、趙鐙猖獗於兩河，巡撫彭澤以大同遼東宣府之師禦之。劉六、劉七滋蔓於濟北，少司馬陸完及禎、暉、許泰諸將禦之，其餘咸甯侯仇鉞、伏羌伯毛銳、中貴谷大用、邊將江彬類皆將門世冑，良卒信臣莫不赤羽耀日，鐵騎屯雲。然而魚驢烏窮，狼奔豕突，偏師少利，擁麾不前，軍氣初揚，緩追逸賊，甚至斬掠難民，邀勳幕府，執袴輿徒，動加青紫。太倉少府，濫若泥沙。此怨毒所以日深，中原所以不靖也。旣而

錢等屢挫。自豫南竄楚境。楊虎縊而賊勢蹙。趙鏐擒而賊黨盡矣。七等自齊北掠京畿。南窺徐宿。鋒似臨張。勢亦窮迫。由邳流豫。由豫流楚。劉六沈於水濱。此亦天亡之秋也。然而舍陸登舟。死灰復然。賈其餘勇。三江騷動。天門無安都之柵。京口無徐盛之城。踰楚窺吳。如履平地。幸而妖星已隕。風伯揚威。當是時。劉暉帥遼東兵。任璽帥大同兵。郤水帥宣府兵。聚天下之全力。撲窮途之遺寇。猶莫不水戰火攻。矢窮弦絕。然後骨載專車。頭行萬里。當其始也。劉瑾以威激之。張忠以賄縱之。及其繼也。甯杲以酷激之。馬中錫以撫縱之。事發於中宮。禍成於庸帥。卒之封爵定。勛先及中人子弟焉。夫張讓通書張角。黃巾平而讓等俱封列侯。令致致亂。黃巢長安破而令致居功。扈駕敗亡之主。各賢其臣。而五省生靈。魚糜肉爛。悲天。

卷四十六

平蜀盜

武宗正德三年冬十月。四川保甯賊藍廷瑞。鄆本恕起漢中。攻陷郡縣。起右副都御史林俊巡撫四川。兼贊理軍務。督兵討之。初。廷瑞行山中。得古棄印。亡何。又得一劍。自謂有天命。遂與其黨惑愚民倡亂。時保甯賊劉烈亦聚衆作亂。侵掠陝西漢中等處。

四年十二月。藍廷瑞自稱順天王。鄆本恕自稱刮地王。廖惠自稱掃地王。合衆十萬。入寇湖廣。鄖陽等處。已而聞巡撫林俊督兵捕勦。因流侵他境。劉烈等復還至四川。初。烈等四出剽掠。侵陝西。漢中。勢頗猖獗。至是。復還。敕巡撫都御史林俊相機勦賊。未幾。劉烈爲亂兵所殺。餘黨廖麻子。喻思倬復熾。

五年春正月命刑部尚書洪鐘兼左都御史總督川、陝、湖廣、河南四省軍務征勦四川等處流賊。夏四月藍廷瑞、廖惠等破通江縣林俊遣官兵及調羅荊石柱等處土兵攻敗之殺溺死者六千餘人生擒廖惠藍廷瑞奔紅口與鄆本忽合兵過陝西漢中三十六盤至大巴山俊復遣兵追及大敗之賊棄輜重走六年春正月朔江津賊曹甫自稱順天王攻圍縣治僉事吳景被殺巡撫都御史林俊聞報馳赴乘元日賊方醺酒不設備乃夜半蓐食銜枚往圍燒之賊奔潰又於山坪伏子岸等處連戰敗之抵賊營殺曹甫等先後擒斬三千餘人收回被掠男婦七百餘口獲馬贏器仗無算五月鄆本忽藍廷瑞等縱掠蓬劍二州命總制尚書洪鐘同巡撫林俊總兵楊宏相機勦捕以靖地方復敕巡視都御史高崇熙鎮守太監章興同洪鐘林俊會勦劇賊藍廷瑞鄆本忽六月洪鐘至四川與林俊議多不合軍機牽制不得速進藍廷瑞招集散亡勢復大振攻燒營山縣治殺僉事王源鐘乃會俊督四川兵陝西巡撫都御史藍章督陝西兵及檄湖廣河南兵分路進勦鐘與俊親監督之湖廣兵先追及於陝西石泉縣熨斗壩賊見追急求招撫令至四川東鄉縣金寶寺聽撫鐘給榜示并檄召廷瑞等約日出降賊意在緩師延至六月十四日始至信地依山駐營廷瑞本忽俱不出但使人來言欲得營山縣治或臨江市駐其衆方出見且要取旗牌官爲質鐘等俱許之鄆本忽來見回營藍廷瑞始復來見日降且肆殺掠仍於松樹壩劫掠民家計欲脫走官兵分七哨扞之不得聞賊窘甚漸潰散十五日廷瑞以所掠女子詐爲己女嫁與領兵土舍彭世麟爲妾結歡世麟世麟白軍門受之遂邀賊首至營宴會鐘令廷瑞所親鮮于金說廷瑞及本忽於十六日帥諸賊二十八人同至彭世麟赴宴伏兵盡擒之衆聞變遂大潰四出奔逸山谷鐘等遣諸路兵分

道追勦之擒斬溺死并俘獲老弱兵仗贏馬甚衆未盡者許自首撫之惟賊首廖麻子未獲捷聞加鐘太子太保俊章陞賚有差江津賊曹甫餘黨方四任鬍子麻六兒等擁衆走綦江入思南石阡等府方四僞稱總兵任鬍子僞稱御史賊首三十餘人僞稱評士等名貴州兵敗之於思南播州兵敗之於三跳等處先後擒斬三千人賊由貴州復入四川八月賊攻南川馬顓苗子岡等關官兵禦之又攻東鄉永澄諸處遠近震駭林俊駐江津高崇熙駐瀘州太監章興駐成都都御史王綸駐重慶檄副使何珊都指揮成都遠近震駭林俊駐江津高崇熙駐瀘州太監章興駐成都都御史王綸駐重慶檄副使何珊都指揮鄒慶帥兵由合江進副使李鉞知府曹恕率兵由江津進夾攻之九月賊攻江津會石砭兵至并力禦之賊敗走追至合小坪被其四營賊以八千人昇攻具復攻江津林俊李鉞曹恕督西陽播州石砭等兵三道迎擊之賊敗追至高觀山斬首五百餘級俘獲二百餘人官兵乘勝追擊賊乃乘高下石不得進賊復擁衆時出衝擊李鉞幾不免賴從吏何士昂等力戰得解林俊見賊勢猶盛遣降賊周大富人營招撫之方四僞令其黨李廷茂出降竟不出高崇熙知賊首皆仁壽人遣人詣仁壽取各賊家屬入營招撫之方四等殺其族屬不聽撫遣人來言聽其自散去乃從翼日李鉞督諸將校分兵爲六哨由大壩小壩月壩關並進直衝高梁賊不能支六面皆合破其中堅斬賊首任鬍子等賊大敗追殺三十餘里斬首一千八百餘級生擒方四妻妾俘獲男婦三千四百餘人餘衆墜崖填壑賊里奪獲馬贏四千五百有奇士兵乘勝追勦又殺二百餘人賊見官兵少還壩殺千戶田宣冉廷質等方四妻妾復逸去遂率餘賊二千餘人遁入思南境內巡撫右副都御史林俊乞致仕許之時宦者用事各邊征勦必以其弟姪私人寄名兵